

皇明通紀法傳全錄

皇明通紀法傳全錄卷二十三

東莞 陳 建 軒 西湖 高汝棡 訂

高 拆 校
始 校 校

丁亥成化三年○二月太學士彭時省親還京○三月
召前兵部侍郎兼翰林學士商輅至京復原職入內閣
辦事○召巡撫宣府左僉都御史葉盛爲禮部右侍郎
○召羅倫還復爲南京翰林院脩撰尋以疾辭歸○貴
州山都掌蠻作亂破四川合江諸縣命襄城伯李瑾爲
總兵官陞兵部左侍郎程信爲兵部尙書提督軍務發
川廣雲貴番漢兵討平之

山都掌蠻
作亂

九是山節掌機、振大蜀山、背險、破合紅、上九縣、乃
進信尚書督軍、與襄城伯李璵、發兵討賊、信至永寧
分大軍三道、自督入金甌池、四川軍由戎縣、貴州軍
由芒部、雲南軍由普市、入期會大壩、大軍進至李子
閣、渡船、賊恃險拒敵、飛檄下礮石、如雨、我軍發神
箭、勁弩、賊却板崖上、擊風舉火、焚其龍符、豹尾二寨
賊退保大壩、貴州軍已蹕其後、四川雲南軍角其左
有賊驚散、不支、連破諸賊寨、斬首五千、擒二千餘、賊
使走人天光、水磨二洞、洞窺幽暗、不可入、遂洞圍守
月餘、賊死幾盡、九姓上將附賊、乘還師、據勸、又大捷
諸獲瀘州府、渡船舖、控諸蠻、分山樵、掌故、現、錄示軍
若部、更大壩、為太平川、立長官司、輯熟夷、功兼大
理寺

奏准在京三品以上官員子孫許一人選監讀書照監
例出身、有志科舉者聽、若大臣果有勲勞于國、出自特
恩錄用其孫者、不在此限、

國初必頒
經書過大
義然後授
職故恩
而無過
日惟論父
任或善
制即與日
不論矣

按國初因前代任子之制文官一品至七品皆得廕
子一人以世其祿備載于諸司職掌凡職官子孫廕
敘正一品子于正五品敘用從一品子于從五品敘
用二品以下以是為差後乃漸為限制惟三品以上
及次王事者乃得錄廕于是我
朝任子無後前代之蓋矣

封 周太后弟周壽慶雲伯周或長寧伯壽進爵為侯

壽子璋璉璵璣或子璿璫皆授錦衣衛指揮既而慶雲

非休非止

侯受奸民李政等投獻奏討慶都清苑清河三縣地共

五千四百餘頃長寧伯受奸民魏忠等投獻奏討景州

東光縣地一千九百餘頃作為庄田○四月六科十三

道上言近日以來或日月赤色或陰氣昏蒙或大風激

烈或黃霾蔽天遼東宣府四川地震雖各遠在一方皆

關朝廷氣數。况三廣四川兵革之後。南北直隸水旱之餘。公私俱困。虜寇在邊。此正側身修行。思患預防之時。伏望以敬爲所。以愆自慙。遊戲宴樂無益之事。必節之。金豆銀豆。無名之賞。必罷之。仍千萬幾之餘。日御經筵。講明聖學。仍勅在朝臣工。同加修省。庶足以解天怒。慰人心。上嘉納之。○六月戊申。雷震南京午門正樓。○七月。虜寇榆林孤山寨。將湯胤勳力戰死之。○太子太保吏部尚書王朝以疾致仕。薨。卒年八十四。贈太師。諡忠肅。朝端方。強毅清白。儉約第宅。上十餘年。不改于舊。公餘退宿朝房。門無私謁。湯胤勳嘗托蛇而拒之。故人畏而不怨。果遭變故。然他處思善。一不介意。嘗曰。吏部堂裏。我思德之地。耶。

八月英宗皇帝實錄成。○建州女直董山寇遼東，命左都御史李秉、武靖伯趙輔率兵討之。永樂初，旣以大寧之地與朵顏等三衛，又以開原之東北至松花江迤西一帶，今之野人女直，分爲二百七十餘衛所，皆賜印置官，選其酋長及族目，授以指揮千百戶，間亦以野人之向正者爲都指揮督統之，爲我藩屏。而松花江東北一月之程，所謂黑龍江之地，則又立奴兒干都司，時遣使往招諸夷，有願降中國者，于開源設安樂州，遼陽設自在州，居之，皆量授以官，任其耕獵，歲給俸，如其官當時各衛夷人，每人貢賞賜殊厚，以故凡迤北征討皆聽

調遣無敢違越永樂末招降之舉漸弛而建州女直先據開原者叛入毛憐自相攻殺宣德間復遣使招降之遼東守臣遂請以建州老營地界居之老營者朝廷歲取人參松子地也名爲東建州初止一衛後復增置左右二衛歲遣使各百人入貢以爲常自北虜也先猖獗建州女直海西朵顏等衛三種之胡遂皆歸之而海西女直野人之有名者卒死于也先之亂朝廷所賜璽書盡爲也先所取其子孫以無授官璽書可徵不務承襲雖歲遣使人貢第名曰舍人以是在道不得乘傳置錫宴不得預上席貢賚視昔又薄皆忿忿思亂至是建州

其說曰移
此稅所為
文王之稅
民如傷焉
大舜之國

都督董山等梟雄桀黠遂動海西之夷擁衆入寇上
命趙輔李秉率漢番京邊軍五萬討之山降送京師放
歸寧輔乘以山不可宥請誅之九月分左右中三軍
各路而進期日會于虎城至期朝鮮亦兵萬人過其東
走賊遁我軍稽舉而擒斬若干人邊境賴以寧○十一
月吏部尚書王朝率贈大保謚忠肅○朝歷仕五十三
年第宅服食未
嘗改于舊後家無餘財人謂
清白之節雖古名臣何加焉
謫翰林編修章懋知臨武縣黃仲昭知湘潭縣檢討莊
景爲桂陽州判官尋改懋仲昭南京大理寺評事景兩
京行人司副先是有旨命翰林諸臣分題預作麓山燈

善決江河
省此冗費
以活源維
國之民實
征伐時役
之士時以
為名言
翰林四庫
立十二國
營京營之
制

火詩為明年上元賞玩懸與仲昭景同疏上極諫奏入
忤旨廷杖並調外任給事中毛弘等言三人出自草茅
不顧一身敢言直諫實盛時事也乞復其原職遂改悉
等南京先是羅倫亦召還時稱翰林四諫○十二月始

立十二國營京營之制○國初止有五軍營中軍左右

以龍旗下三千騎立三千營後征交趾得神鎗火
箭之法立神機營是為三大營歷常則五軍以神營
陣三千以神機神機以神鎗手駕親征則大營歷
中營外分駐五軍於平居內騎率居外其外為神機
營又其外有長圍各局二十里令軍中無探皆不得
出圍外景泰初遷三大營精銳官軍分二十營關操
以備警急調用是為兩營天順初罷立八千復置成
化初罷罷至是復置抽選三大營精兵分為十二營
曰前軍後軍中軍左軍右軍各設總兵官總之若選出
成操成操成操每營各有一營把總等官總之若選出

爭田之法
 雖不可行
 然此方平
 原沃野千
 里濟沒使
 勢要得占
 為非田其
 可惜也
 與舊往之
 意相左

征師量調而行。三大營所作老弱無幾。各以七家見。
 備營造差撥等用。其十二團營。並以北直隸各衛。及
 山東河南江北各都司衛所積兵。共二十五萬。實之
 分為春秋二班。國營聽征。此經管制度之大畧也。

下刑部郎中彭韶。獄既而釋之外戚周盛與真定武強
 縣民爭田。詔擇公正法司官。往步之。部推韶往。韶至田
 所。環視周匝。不復步田。徑歸。自劾不能步田之罪。奏曰。

一〇結〇定

田本民有。雖其間地有多餘。然歲有旱潦。地有高下。民

頻年出賦。以給公上。早則資汗下。以補高仰。潦則資高

〇情義俱不可棄

仰以補汗下。安有空閒。可以別給。且民者國之本。食者

民之天。食足民始安。民安則國安。豈可以民田給貴戚。

重傷國本耶。疏上。詔以田歸民。因下韶錦衣衛獄。科

道交收得釋。先是韶以詔諭都御史張岐律進事下獄。尋有復職。至是復下獄。直聲震于時。韶福建莆田人。何謂步田。據民田籍而步之。每畝百步之餘。皆沒入爲餘田。得四十七項。或尙不滿。故有是命。○擢山東左布政彭誼爲工部右侍郎。遂改右副都御史。巡撫遼東。景太中以脩麗河堤功。轉右僉都御史。提督紫荆等關。天順改元。忤權貴。遷紹興知府。民告饑。發倉賑之。或謂當奏。上聞。否且得罪。誼曰。待請而發。轉溝壑者多矣。吾何愛一身。而不以活萬命。明年有秋。民爭委輸。不踰月而倉復盈。先是郡官田稅重。耕者多流移。迺請計

前朝半爲
久任職在
遷高爵然
近日遷官
如傳舍然
猶遷建化

起租減重增輕民便之。又因服禁白馬關。國壓不入。
既良田若干頃。一郡蒙其利。九載滿。擢山東布政使。再
轉副都巡撫。

李汝首江西人爲史犯。軍巡按御史楊守隨追問充
軍。逃至京師。以符木黃條入禁中。得幸。授太常寺丞。
與禮部侍郎蔣安深相結。納守隨還朝。卽劾汝首罪。
惡不宜典郊廟。百神之祀。命史武林苑監丞。

戊子
之簡文
有力焉

戊子成化四年二月壬辰朔日有食之。○夏陝西固原
上達滿四聚衆反。據石城官軍討之。失利。國初殘元平
涼萬戶把丹率衆歸附。其部落散處開城等縣。以畜牧
射獵爲生。天順末虜酋李來毛里孩內侵。把丹孫滿四
與其黨李俊等有北徙意。乘時劫掠。藏匿逋逃。事覺上

司捕之急。會叅將都指揮劉清守構指揮馮杰。復逼索各土達賄物。各土達怨之。滿四遂糾衆反。據石城。石城者四面俱山。峭屋高數十仞。西山頂平。可容數千人。劉清領軍與戰不利。陝西鎮撫遣都指揮邢端。申澄率各衛軍往捕。戰于城下。申澄死之。邢端遁歸。官軍大潰。遠近震駭。事聞。朝廷命陝西巡撫都御史陳介。總兵寧達伯。任瑋。寧夏總兵廣義伯吳琮。延綏都御史王銳。叅將胡愷。各帥所部會討之。寧夏兵先至。介與琮皆不知兵。不候延綏兵定。麾兵急趨石城。軍士勞困。餒渴。爲賊所襲。官軍遂大敗。賊勢益猖獗。○六月。慈懿皇太后

當如徽號
時文達王
之文憲
之令文憲
王之姓號
替建威
禮于古
議

錢氏崩皇太后土嫡母也司禮監傳旨命大臣議葬

所衆相視莫敢先發大學士彭時曰此一定之禮無可

議者梓宮當合葬裕陵神主當附廟禮部尚書姚

夔贊之曰此正禮也太監夏時曰不可慈懿親于且

有疾不宜入山陵只宜別葬彭時曰太后母儀天下

近三十年爲臣子者豈忍議別葬此事關係非小一或

乖禮何以示天下後世內臣不以爲然彭時謂同列曰

此事當力爭不可使上有失德已而上御文華殿

召內閣與諸內臣至前面議上曰慈懿太后當如

何彭時對曰只合依正禮行庶全聖孝上曰朕豈

不知依正禮行是好。但與周太后有碍。故令爾等合議。務要處得合宜。商輅曰。外議洶洶。若不合葬。則人心不服。且于聖德有損。劉定之曰。孝子從義。不從令。雖聖母有言。亦不可從也。上默然良久。曰。合葬固是孝。若因此失聖母心。亦豈得爲孝乎。彭時曰。皇上下孝。當以先帝之心爲心。先帝待慈懿太后。始終如一。今若安厝于左。而虛其右。以待後來。則兩全其美矣。後來指周太后也。上雖未允。而玉色甚和。無怒容。時因曰。臣等意未盡。欲具本言之。乞皇上再三申勸。聖母以終大事。上領之。卽日晚時。等具跪進。備

此舉將幾
失而歸正
彭時等固
諍之力也

言附葬附廟所以體先皇篤夫婦之懿昭今上全
子母之情斷不可有異議又謂夫有出妻之禮子無弃
母之道此事關係綱常不可有失貽萬世譏議辭甚懇
切有旨令百官會議皆云時等言是內批猶未允仍欲
別擇地于是時等及姚夔帥百官伏文華門號哭不起
聲聞于內上感動母后亦悟即傳旨宣諭呼萬歲
而退○秋七月己未夜北方有流星赤白色光燭地自
關道傍西北行衝勾陳尾跡後炸散○八月癸巳京師
地震有聲○上大行慈懿皇太后尊諡曰孝莊皇后
以都督同知劉王為總兵官督京營官軍五萬討繡四

以右副都御史項忠總督軍務太監劉祥爲鹽督後以
南京大理寺卿馬文升爲右副都御史巡撫陝西○九
月彗星見掃三台○冊官人萬氏爲貴妃萬氏侍上
于東官司盥櫛誦智善嫺至是冊爲貴妃尊寵屈昭德
官太監段英掌其宮事父貴爲都城邑吏至是以妃貴
授都督同知兄通亦爲錦衣衛都指揮萬喜萬達皆授
官權寵震耀通妻王氏出入掖庭學士萬安認爲同宗
陰結通妻往來于家朝士劉吉以下羣趨其門彭時因
彗見乞休不允因疏請脩省謂外廷大政固所當先而
宮中根本先爲至緊伏望正名分均恩愛以廣繼嗣爲

又載此舉
半文連視
之應有規
色

宗社大計。又言黜陟人才。宜斷自宸衷。不可專委近幸。
上優詔答之。○十月。進商輅兵部尚書兼學士。仍舊先。
是御史林誠。因星變劾輅不職。因及景泰中易儲事。輅
求退。上曰。朕用卿不疑。何恤人言。欲詞誠于外。輅奏
言。臣嘗勸陛下優容言官。已荷加納。如脩撰羅倫輩。
皆復收用。今因論臣而斥責之。如公論何。上釋之。復
其職。○刑部郎中彭。陳敝政未終者四。一日正家之
法。二曰馭宦之術。三曰持儉之德。四曰用人之道。不報。
○給事中魏元等。因災變條奏時事。言昭德官進膳不
減。中官不增宮牆。駐深而視聽甚近。祗席雖微。而懸象

甚著。陛下富有春秋而震官尚虛豈可以宗廟社稷之大計一付于愛事情至之所又言宜罷征稅以蘇困發內帑以賑濟僧徒過于信待賞資無節玩好太多礦場採辦悉宜停止上嘉納之。○吏科給事中程萬里言毛里孩等久不朝貢往來宣府大同情甚巨瀾陳其有可敗者三策下部議時不能行

自程萬里之言不行而曾鉄之計不用後無從爲河套之謀矣相千里可耕之地皆各邊多事之處惜哉十一月劉玉項忠等討浦四擒之餘黨悉平賊聞朝廷出師退保石城官軍至固原分兵爲六路圍之賊前倚深溝高壘不輕與戰伏羌伯毛忠恃勇領卒登山仰

攻賊據險力拒。毛忠戰歿。我軍遽退。項忠卽卽斬一千
戶以徇。衆稍定。遠近聞忠敗。益懼。兵部尙書程信及撫
寧侯朱永定襄伯郭登議以滿四驍勇恐其與北虜連
兵。關陝益危。交章請益兵赴援。其月。彗出西方。中外詢
詢。占者以應在秦州。不祥。項忠曰。賊虐害生靈。惡貫滔
天。今仗皇威問罪。師直而壯。兵法曰。禁祥去疑。昔李
晟討朱泚。焚惑守歲。卒以成功。今殆類此。乃不待援師。
卽據賊水草。畧其旁地。賊夜出汲。設伏擒之。賊饑渴益
困。時朝廷慮師淹歲月。詔問忠可否益兵。忠上疏。謂
京軍怯。不諸戰。益之無補。兵部懼賊乘勝。恐劉玉等不

可謂切
實人

項忠教也
國反建之
續不下也
國彭文能
聖德明也
亦不難觀
況

足任。猶奏請遣朱永率京軍四萬以往。永復張大其事。請朝廷定賞格乃行。內閣彭時嫌其張皇欲止之。令姑整軍裝待。再有急報啓行。會忠報軍中事奏至。上召兵部計謀。程信曰。事急矣。行不可緩。時曰。前賊四出攻劫。誠可駭懼。今入山自保。我軍圍守甚固。不一兩月。賊必成擒矣。京軍何用再行。商輅亦曰。觀項忠布置。賊不足憂也。程信忿其言不行。出危言曰。項忠軍若敗。必斬一二人。然後發兵去耳。廷臣羣然附和。咸尤彭時固執輕敵。時曰。觀項忠疏曲折。保無虞也。時項忠堅主坐困之策。與賊相持三月餘。賊餽水俱乏。人馬多歎。我

通日簡除
權路內閣
吏部推陞
惟德撫案

軍圍困日密。出降者衆。賊將有陽虎卿者。驍勇有謀。蒲
四倚爲謀主。見勢不可爲。夜潛山降。忠等厚慰勞之。示
以賞格。令回寨擒蒲四來獻。虎卿允諾而去。明日忠等
整兵伏于東山口。蒲四果出戰。遂擒之。斬首七千餘級。
械蒲四等赴京師。賊平。延綏忽報北虜入河套。于是諸
營軍馬悉撤回原鎮。捷奏至。人始服。彭時料敵明。審鎮
靜得體。云。先是忠日披堅于石城下。與賊先後工十餘
戰。矢石如雨。畧不退怯。馬文升勸其持重。忠曰。奉命討
賊。久無成功。死所甘心。輿論偉之。十二月定簡除保
舉官員例。祖宗時。君臣旦夕相見。其于用人尤謹。

吏部具缺或簡除或保舉皆公朝傳旨行之非中官所敢專也按永樂七年閏四月尚書趙和傳奉聖旨方賓授兵部尚書今日便到任所謂簡除此類是也宣德正統間二楊用事敕方面有缺在京三品以上保舉景泰天順以來或各薦或會舉其權總歸吏部時有舉不當上意者命吏部專行之又有言其非政體者上命京堂四品以上吏部具缺親除方面照正統年間保舉人疑爲中官意也于是吏科給事中沈璠等合題謂兩京四品以上官既親簡除矣在外方面又各保舉則吏部所司者何事宜令吏部京堂員缺會同內閣推舉若方

百員執會同三品以上官保舉。上曰。祖宗舊規。如此。御史給事中不欲朕舉行何耶。顯有情弊。其寃治之。于是廷臣不敢復言。既數月。薦擢者頗恆輿論。乃知楊文貞之確見也。于是遂定簡除保舉官員。

己丑成化五年正月。論平滿四功。擢劉王左都督。項忠右都御史。太監劉祥歲加俸二千石。餘陞賞有差。罪失機等官。寧遠伯任瑋。廣義伯吳琮。都御史陳介。俱請戍。兩廣都指揮劉清。守備指揮馮傑。俱坐激變斬于市。○吏部尚書李秉罷。秉素介剛。不阿人意。以天下廢職不稱職者。由諸監生冗雜。乃以貌言書判。四書律之。入益

怨焉大臣有忌之者，嗾給事中蕭彥莊劾之，遂落太子少保以尚書致仕。祭酒陳鑑爲之不平，作詩送之，有「古道自無三黜愠，直臣又見一番歸」之句，天下傳誦焉。○給事中蕭彥莊劾李秉任情行私，且結年深御史附已專權，上令三法司會官議聞。于是多官會鞠彥莊坐奏事不實，降四川永寧驛丞。至任，委署縣印，以科罰遇重爲怨家所殺。聞者快之。○權吏部左侍郎崔恭爲吏部尚書，尹旻調左侍郎，朝體部右侍郎葉盛爲吏部右侍郎。○閏二月己未雨，霾天氣昏濛，黃塵四塞。己卯日變，白土四塞。○會試天下舉人以太常寺卿兼侍讀學士。

劉珣侍讀學士劉吉為考試官取費朋等二百五十人

○三月廷試賜張昇丁溥董越等進士及第出身有差

○以少詹事萬安為禮部右侍郎兼翰林學士入內閣

預機務○吏四川眉州人體貌魁梧有目如刺書外寬然長者而內深刻刺骨與同年進士李泰深

相結泰中官李永昌之乞子累遷至少詹事內閣缺議欲用泰泰推安曰子先為之我不患不至故安得

先入未幾泰暴疾死安在內閣初無學術惟以囑托貪賄為事認萬貴妃為同宗多結宦官為內援云

鹽賦錢厚料眾作亂江上僭稱江海上公備倭都督僉

事董寬討擒之○六月調吏部尚書崔恭于南京吏部

以禮部尚書姚夔為吏部尚書○召巡撫寧夏右副都

御史張瑩為刑部左侍郎先是寧夏城皆土築瑩至始

楊一清等
謂朕曰夫
地者得人
先軍
頃刻
自欲健

楚以碑礪河流以溉屯田若干頃寧夏地方多禾樂所
置降虜滿四之叛朝廷慮其爲變鑒受密敗撫安之得
無事。松江人後至南京兵部尙書○上復御經筵親
于朝。贈故國子監祭酒李時勉禮部左侍郎謹忠文○
十一月時都御史韓雍以憂去兩廣賊勢復張僉事陶
魯言兩廣地勢猶一人之身。今軍政分而爲二以是賊
入寇掠無人任其責者。乞勅大臣總督兩廣如馬昂葉
盛韓雍故事庶事體歸一。巡按御史龔晟亦言宜立總
府于梧州簡命大臣兼制兩廣則事統于一而責有所
歸。兵部亦言兩廣互爲唇齒廣東藉廣西之兵力廣西

籍廣東之糧備今巡撫等官名位頗高。議論之際。甲可乙否。宜如魯等所請。上命兵部會議。舉其人以聞。次年春。以太監陳璫總鎮兩廣。起復韓雍爲右都御史。總督兩廣軍務。兼理巡撫。命平江伯陳銳掛征蠻將軍印。鎮守兩廣。開總府于梧州。居中調度。其兩廣總兵巡撫俱裁革。○夏。京畿大水。命右都御史項忠巡視廣。天河間未平。三府忠多發官廩。又設法勸分。得米十六萬石。銀布牛俱各萬餘。所活二十七萬八千餘人。○十二月。無雪。內閣彭時上言。自古旱災。皆由下民愁怨。感動天變。近日光祿寺買辦各城門袖分桔。剋太甚。而獻琛珠。

寶石者倍估增直規取府庫以萬民膏血充奸佞囊橐伏望憲章以惠民生不聽

校于

庚寅成化六年春罷建西山佛閣六科給事中言四方早曠夏秋無收百姓嗷嗷待哺荆襄流民強梗陝西虜寇侵掠今乃起無名之工爲不急之務徒費國用有傷治體若謂建閣果有福利孰若以之賑濟饑民賞勞士卒其爲福利豈不大哉上命亟已之○三月翰林編脩陳音請釋儒臣講學降法王佛子真人位號不報○京師雨雹晝晦陝西寧夏大風揚沙黃霧四塞○夏四月雷未發聲陰霪四塞○五月京畿大水○罷浙江布政

使張清

○清四川巴縣人

奉職廉謹

非官至不御酒

俗侈靡清一以節儉與之同寮
多不堪竟致仕去人多惜之

七月初三日巳卯

皇子生

卽孝宗皇帝也

皇妃

紀氏生先巳丑九月

上幸昭德宮

紀妃在御妻之

列上幸之既有娠萬貴妃知而恚之百般苦楚胎竟

不墜上令托病出居安樂堂以痞報而嬖門官照管

至是聖嗣誕焉貴妃乳少大監張敏使女侍以粉

餌哺之彌月西內廢后吳氏保抱惟謹不使貴妃知之

○以右副都御史王越總制延綏等三邊軍務尋進右

都御史時越帥師巡邊平崖窯川擒達賊四十餘人斬

首百餘級。又于黃草梁擒斬遂進右都御史。○冬巡撫遼東都御史彭誼討建州女直敗之。先是前任巡撫者與太監總兵不相能。不以邊備爲意。倉無再歲之支。虜聞知之。聲言入寇。誼獲謀者訊之。盛稱林野騎阻糧少。士饑以故無恐。誼欲斬以徇。哀救乃免。于是反謀誣之曰。汝虜恃窮。汝不見中國匠剡木器乎。遣萬卒持之。使人剡木不終朝可盡也。芻糧在吾度內。發民萬家運之。止斯積矣。汝虜何恃耶。謀報虜未以爲然。秋發餉實鐵嶺三萬諸衛相繼于道。誼乃大閱。選將調兵。建將旗鼓出遼陽寨。部次嚴整。旌旗蔽野。命都指揮崔勝進兵擒

醫藥官
已非美政
復許子孫
承襲充前
代所無

賜自明定
長運議一
代之良法

以和之清
運步民今
日之清運
步軍然步

斬之奪其馬足器械輜重虜奔潰自是遠道邊境稍寧
○兵部奏准武職絕嗣許從軍入功一祖子孫承繼其
原籍疏族不許凡納粟官例許承襲者且許子與孫承
襲尋復令納粟招軍陞職者俱承襲三輩革

辛卯成化七年正月京師饑敕戶部發大倉粟一百萬
斛減價糶以利民凡糶惟以升斗計滿一石者閉不與
饑者獲濟○定長運法漕運舊例軍民各半互相轉運
民運淮安徐州臨清德州水次四倉交收漕運官分派
官軍于內轉運于通州天津二倉往返經年多失農月
于是侍郎周忱謀將民運糧儲俱于瓜州淮安補給解

民夫農時
不若勞軍
之為愈也

孫觀之

價允與運軍自是轉運變為允運矣至是右副都御史
滕昭議罷瓜淮允運令官軍徑赴江南州縣水次交兌
民加過江船費視地遠近有差自是允運又變為長運
萬世可道矣至今為定制○命彰武伯楊信帥師巡邊時北虜潛
伏黃河套中歲為西邊患輔臣有請興十萬之師以楊
信為總制搜捕之兵部尚書程信以河套地曠遠無水
草興師十萬則餽運若加倍自古禦戎來者拒之去者
勿追此不易之法也○而楊信請三萬人巡邊禦敵朝
廷與以二萬而罷搜套之議○命刑部侍郎魯瑄都御
史滕昭等巡視浙江福建等處時四方省府多饑命大

朝廷錄與
原為錄志
者勸諫終
信恐勢民
可謂能臣
也

臣分道巡視民瘼發廩勸分興革利害罷黜貪穢不職
有司○襄陽賊李胡子作亂命右都御史項忠總督討
平之進忠左都御史李胡子本劉千斤餘黨倡流民為
亂忠遣人持榜入山招諭其負險不服者縱兵搜捕凡
發還鄉者一百四十萬編戍者萬餘斬首四千餘級○
六月禮部左侍郎劉定之卒贈禮部尚書謚文安○改
兵部尚書程信為南京兵部尚書以白圭為兵部尚書
○九月南京吏部尚書致仕魏驥卒年九十八謚文靖
驥致仕家居三十餘年布袍糲食不別油生病革戒
子完勿動擾鄉里經營墳墓時有司已得請如例差
祭完以遺
書辭後之

中官初恨
有言或約
勿多言及
見無言及
為訛語諸
老為所証
傳矣

十一月立皇子祐極為皇太子萬貴妃所生也
壽謚曰悼恭是月彗星見出軒轅入太微垣廷臣諫言
皆謂君臣懸隔情意不通請時召內閣大臣面議政機
彭時亦對司禮監言莫謂上不得見雖諸老太監亦
不得見于是諸內臣乃約一二日間上御文華殿召
見但初見時情未浹洽不宜多言姑俟再見可說時等
諾之至期既見時言天變可畏上曰已知卿等宜盡
心辦事時又言昨准御史建言減京官皂隸與俸文職
尚可武官不免怨望急須傳旨仍舊以慰安之上
曰卿即傳旨以該部萬安送加頭呼萬歲時與商

萬歲之呼
萬歲先之
故尚不得
已而隨之
耳
自後再不
召見萬寶
與中官共
生居安若
汪直用事
勢亂愈聞
其阿附又
不知何如
○嘉靖中
蒙不測所
以藉口文
維爲之信

皆同聲叩頭遂命賜酒飯而退自後再不召見諸太監
乃謂人曰嘗言不召見及見無一奇謀至論止呼萬歲
四方因傳爲口實曰萬歲閣老然先是御史所建言欲
減京官皂隸俸皆承太監黃高風旨欲以此難京官不
虞武職洶洶致憾欲刺言者一時莫能救解及得旨不
減人情始大安○命吏部侍郎葉盛往延綏議河套事
宜北虜出入河套爲西北邊患有言增兵守險者有言
大舉搜套驅出河外沿河築城堡抵東勝從民耕守其
中者盛受命往議方畧回奏謂其地沙深水淺難以住
牧春過霜蚤不可耕種搜河套復東勝此皆事勢所難

惟增兵守險可爲遠圖宜令守臣剗削邊墻增築城堡收新軍以實邊選土兵以助守不但可責近效而亦足爲長便也從之

按秦蒙恬敗匈奴取河南地漢武帝用主父偃策言河南地肥饒外阻長河而朔方郡因河爲固後蘇建勃及李繼選皆藉此地雄于北方元昊繼之遂稱夏帝據河南之州九皆在今套中宋史稱其地饒五穀尤宜牧麥我園雜記謂近時關中大饑流民入其地求活者甚衆踰年纔復業九邊圖論亦謂彼時勢必通河軍士得耕牧套內益以採樵圍獵之利地方富庶復雄鎮焉此數言鑒鑒皆實葉文莊議乃以爲不可往牧耕種何耶況中國守邊皆管屯在內而拒戎虜于其外今河套花馬池一帶則虜反入吾之內而吾寧夏之屯守反在其外不亦可懼乎嗚呼張仁愿猶能築三受降城于河北絕虜南寇路我朝乃不能因河爲固以守河南而使虜得入據焉葉文以爲關隘無窮之害我朝將帥有愧前代矣

十二月大學士彭時等言日來彗星屢見西極太微比
近紫宮其譴告警懼之至卽漢董仲舒所謂天心仁愛
之意也因進修德大端安民大要七事曰正心術謹命
令親接見眞賞罰納諫評勵官守撫軍民 上嘉納之
○諭德謝一夔上言彗星之變災異至大謹上五事一
原紀之本
曰正宮闕以端治本二曰親大臣以詢治道三曰開言
路以決壅蔽四曰慎刑獄以廣好生五曰謹妄費以足
財用 上怒斥之

壬戌成化八年二月會試天下舉人以禮部左侍郎兼
學士萬安洗馬江朝宗爲試官取吳寬等二百五十人
皇明法華錄卷二十三紀皇帝

此子俊之
方子俊曰
川音都人

瑜都人
法不境

廷試賜吳寬劉震李仁傑等進士及第出身有差○權
陝西左布政使余子俊為右副都御史巡撫延綏子俊
脩築邊牆設榆林衛聖屯田至邊相度邊地每徒行數
十里盡得形勢悉心經理煥然一新自是榆林遂為重
鎮雄于諸邊

自主搜索之策王越沮泥不行余子俊
脩築邊牆之說先後相踵費財何止百
萬而浮涉易備邊牆實未有惟劇削設險之法
可行耳迨臣屢以築牆為請屢延屢發帑金崇
繼至今並無一人敢言虛費者不知何故夫秦
城今且平衍矣而謂浮涉可以築邊也哉
綏德而集米脂魚河等處千外幾三百里
掠鎮兵出集每不及及得接際焉余子俊
鎮榆林城懸山湮谷連墩勾堡橫絕河
套之口厄千餘里要害既據內地遂安

七月刑部尚書陸瑜乞致仕許之瑜久居法曹有聲陞

卷之六
宣和年

山東布政使以李賢薦復起陞爲刑部尚書明于法令
練習國家典故屢辨冤獄錦衣指揮門達怙寵作威弘
嚴衛卒誣指揮李彬謀反事下達鞫之達鍛鍊反狀已
具瑜獨明其寃達怒語侵瑜瑜曰所執者祖宗之法
安敢在以滅人族耶達諸瑜欲出反者上不聽止誅
彬而免其妻子達尋敗言者欲置之死瑜曰達典獄
任情輕重不可謂無罪然視紀綱馬順則有開矣卒得
不死至是以疾謝事歸○北虜寇臨洮鞏昌巡撫都御
史馬文升敗之追至黑水口擒其平章鐵烈孫斬首數
十級命兼節制三邊九月虜復寇韋州深入固原及

好水川、文升檄召諸路兵、按伏湯羊嶺、虜至遇伏、驚遁、盡棄輜重、擒斬二百餘級、因改其嶺爲得勝坡、勒石紀功、以大理寺卿王榮爲刑部尙書、○七月、陝西隴州大風雨、雹有如牛者、五州之北山、吼三日、裂成溝、長半里、○癸巳、成化九年二月、吏部尙書妹薨、卒、贈大保、謚文敏、○擢吏部左侍郎尹旻爲吏部尙書、○加總制陝西左都御史王越、太子少保、時越奏報累、羣兵寨下、斬獲達賊數多、上加之、通有是命、○命脩隆善寺、陞工匠三十人爲文思院副使、寫碑官爲尙寶司少卿、工科給事王紹等上疏極諫、請追寢前命、以慎名器、以正國體、

不心。○以王越巡撫大同，歷升左副都御史。是年復出
延綏，搜套，搗巢，斬首二百八十，加太子少保，還掌院事。
○兵部言北直隸山東河南等處水旱民間馬宜停。
○上曰：馬政固國家急務，但歲歉民貧，收死不贖，我彼
得此將安用焉？兵部議南直等處凡災傷地皆暫停之。
○給事中韓文、梁璟、王詔等以都御史王越邀功啓釁，
會劾列其狀，而推德望素著前吏部尚書李秉、兵部尚
書王竑復于內頗涉兩官事。上怒逮至文華殿，拷訊
之王，詔頓首曰：臣等愚觸忌諱犬馬之誠，實惟爲國
上怒解釋之。○朝廷好寶玩，是時有迎合上意者言

作用自叙

宣德間常遣王三保出使西洋等番所獲奇珍異貨無
算上然之命一中貴至兵部查三保至西洋時水程時
項忠爲兵部尙書劉大夏爲車駕司郎中忠使一都吏
于庫中檢舊案大夏先入檢得之藏匿他處都吏檢之
不得忠笞責都吏令復入檢如是者三日水程終莫能
得大夏亦秘不言會科道連章疏其事遂寢後忠呼都
吏詰曰庫中案卷焉得失去大夏在傍微笑曰三保太
監下西洋時所費錢糧數十萬軍民死者亦有萬計縱
得珍瑤於國家何益此一時弊事大臣所當切諫者舊
案雖在亦當毀之以拔其根尙足追究其有無哉忠聳

閔武

校官勸學
官國美夫
第壹事
而況未免

然○降○位○對○大○夏○再○揖○而○謝○之○指○其○位○曰○公○陰○德○不○細○此○
位○不○久○當○屬○公○矣○後○大○夏○果○至○兵○部○尚○書○勅○儒○臣○校○
訂○宋○儒○朱○熹○通○鑑○綱○目○命○梓○刻○以○傳○編○修○謝○釋○上○言○曰○
宋○神○宗○好○通○鑑○理○宗○好○綱○目○徒○知○留○意○于○書○不○能○推○之○
于○治○因○勸○上○親○賢○講○學○見○諸○行○事○不○可○如○二○君○之○徒○
好○上○嘉○納○之○○十○月○上○閱○武○于○內○苑○公○侯○而○下○皆○
騎○射○英○國○公○張○懋○三○發○連○中○上○大○喜○賜○銀○鈔○金○帶○尋○
命○掌○中○軍○都○督○府○事○提○督○五○軍○營○○十○一○月○勅○儒○臣○續○
宋○元○資○治○通○鑑○綱○目○○添○設○蘇○松○常○鎮○湖○州○五○府○并○
所○續○縣○勸○農○通○判○縣○丞○各○一○員○尋○復○添○設○北○直○隸○深○趙○

多官之操耳

以長編為
持重者難
乎見矣

平谷等七十二州縣、江西、南昌、新建等二十縣、湖廣、沔陽、黃岡等十州縣、河南、光州及尉氏等十三州縣、各州判縣丞一員專理勸農。○敕邊軍如曾遇賊率眾討敵及聚寡不敵者雖失利不罪其開門坐視見賊先退者乃坐失機。

我朝轉賊所以敢深入縱橫者正以損軍罪重而明門坐視之罰輕然玩愒成習雖有此令後竟不行甲午成化十年正月召總制陝西邊務左都御史王越還掌都察院事○二月吏部左侍郎葉盛卒賜諡文莊盛溫雅簡重崇道誼尚名節言動思古人居家敦孝友治官清慎勤恪處事不苟公退手不釋卷考古辨疑殆忘寢食而于世俗聲色財利之好澹然不以經心功業每以范文正公自期卒年五十有五歲惜

其大用
未完云

起致仕右都御史林聰掌南京都察院事先是爲都察院者能制十三道遇事規避無所言以悅權幸士論殊不直之及聰掌院事諸御史時有所彈劾當事者厭聰不能糾其屬聰曰已旣不言而又遇人使不言非聰所能也○刑部尚書王樂卒

樂廬陵人敏達有才暢習吏事巡撫陝西杖荒全活者甚衆在大理明允平反濟以長厚人多稱之

以禮部右侍郎劉吉兼翰林學士入內閣預機務○以左都御史項忠爲刑部尚書○十一月復邸王帝號上尊諡曰恭仁康定景皇帝先是上欲復景帝位號

景太易傷
宜廟不以

為然而進
後世號帝
王盛德

遣太監懷恩至內閣議商輅等力贊之明日勅諭羣臣
遂上尊謚云○總督兩廣軍務右都御史韓雍致仕雍
鎮兩廣垂十年承制專決一以法繩下不貸大吏威震
百蠻百司悚懼于是有上書言雍不法事者朝廷遣
使勘究多虛雍引疾陳乞致仕歸

乙未成化十一年正月詔閉河南宜湯等衛銀洞先
是兵科給事中郭銓言河南各縣多有銀礦之開煎以
備邊用有司勘報言銀洞在山谷中道路險阻礦脈微
細所得不多徒費民力遂命封閉至是戶部尚書楊鼎
又言內府及邊儲缺用乞復開煎勘報如前上命仍封

彭文憲出
居明夫一
代偉人

閉之。○春少保、兵部尚書、文淵閣大學士彭時卒。謚文憲。彭文憲貞朴有餘，卽國史亦紀其端。慎嚴密外，和內。剛立朝三十年，未嘗不在公。公退未嘗語子姓以政事。○會試天下舉人，命少詹事徐溥、侍講學士丘濬爲考官。試官取王鏊等三百人廷試，取謝遷、劉戡、王鏊等進士及第。出身有差。○命吏部侍郎劉珝兼翰林學士入內閣典機密。珝山東壽光人，性剛直，善談經，在講筵甚久。當時講官稱爲第一。受知于上，簡入內閣，持廉秉公，無所阿私，抑邪嫉惡，恒過于嚴。以是小人多怨忌。凡所建明，入告于上，出不語人。鮮有知者。上雅重之，呼

爲東劉先生特賜圖書其文曰嘉猷贊翊然多議論不知者或目爲狂躁云○五月手敕禮部朕皇子年已六歲未有名恁禮部會同翰林院具擬來牒恭太子薨內庭漸傳西宮有一皇子已六歲矣太監張敏厚結萬貴妃王宮太監段英乘間言之萬貴妃驚云何獨不令我知遂具服進賀厚賜紀氏擇吉日召皇子入昭德宮次日徙紀氏于永壽宮中外臣僚喜惧交并張敏令人諭內閣請立皇太子吏禮二部遂具奏會文武堂上官名以英國公爲首奏進御批覽奏具悉卿等忠愛但儲事重姑俟皇子年齡稍長行之時衆意欲請皇子與

母同處。庶脫虎口。則恐相激。未敢商輅。因獨對上。疏曰。皇子聰明岐嶷。國本攸繫。天下歸心。重以昭德宮貴妃。撫育保護。恩踰已出。百官萬民。皆謂貴妃賢哲。近代無比。但外議皆謂皇子之母。因病別居。久不得見。揆之人情事體。誠爲未順。伏望勅令。就近居住。皇子仍令貴妃撫育。俾朝夕之間。便于接見。庶得遂母子之至情。偃朝野之公論。于是禮部函奉手勅曰。朕皇子年已六歲。未有名。禮部會同翰林院具擬來聞。內閣擬樞楷蔡梨四字以進。皆不用。復諭再擬。乃定。唐名曰祐。○六月。皇妃紀氏薨。商輅引宋李宸妃故事。言得謚。贈爲恭莊。

傳淑妃殮以後禮紀妃有疾上命太監黃賜張敏將
院使方賢治中吳衡往治萬貴妃即請以黃袍賜之俾
得生見次日病少間不復令人往視至六月二十八日
薨是日天色皆赤一時城中傳言病卒之故紛紛不一
蓋不能無疑云○擢南京侍講學士錢溥爲南京禮部
左侍郎初溥降和順德縣尋復舊官起掌南京翰林院
事司禮太監懷恩嘗受業于溥力薦之遂有是擢用
懷恩嘗于聖誕日賜金一錠奏云臣蒙恩至此皆
師父錢溥之惠願留以轉奉會溥考績至京懷恩置
晏以前金爲壽跪曰與師父置杯酒溥欣然笑之曰
此當與房下作首飾常常頂戴太監請座聞之絕倒
十一月立皇長子佑堯爲皇太子

徒情錄曰
事關民社
人人所當
用心不可
以官守分
異也

原登得登

丙申成化十二年正月都御史原傑奏議設湖廣鄖陽府及竹溪鄖西二縣陝西商州及商南山陽白河三縣河南桐柏南召伊陽三縣設撫治都御史行臺于鄖陽統治之詔可○

按陝西至荆襄唐鄧一路皆長山大谷綿亘千里所至流通藏聚為梗劉千斤之亂因之至李胡子復亂流民無慮百萬都御史項忠下令有司逐之弗率令者皆發戍邊衛當盛夏渴死疫死者不可勝計國子監祭酒周洪謨聞之乃著流民說謂荆襄流民宜置官吏綿里甲寬徭役使安生理則流民皆齊民矣何以逐為右都御史李賢深然其說至是流民後集如前時實乃援洪謨說疏上之命右副都御史原傑往蒞其事傑受命徧歷諸郡縣深山窮谷宣上德意延問流民父老皆忻然願附籍為良民傑于是大會湖廣河南三省撫按藩臬合謀會議籍流民得十二萬三千餘戶皆給與開墾田畝令其開墾以供賦役

建設郡縣以統治之使流寓土著參錯以居又卽鄖陽城置鄖陽府以統鄖及竹山竹溪鄖西房上津六縣之地又置湖廣行都司及鄖陽衛于鄖陽以爲保障之計因薦鄧州知州吳遠爲鄖陽知府諸州縣皆選才以充復慮新設郡縣漫無統紀薦御史吳道宏才德優裕堪代已任總治三省上悉從之

詔改南京戶部左侍郎王恕爲左副都御史巡撫雲南先是雲南鎮守中官錢能怙勢貪縱造其麾下指揮郭英取捷徑往安南求賂凡朝使往安南皆道廣西未有由雲南者于是安南君臣駭愕久之欲因間啓途遣一酋以兵尾其後將近邊英紿其酋請先白守關者因脫歸邊吏戒嚴安南兵始去事傳籍籍謂英勾引外夷窺邊朝諫命恕巡撫其地恕至卽捕英治之英懼赴井死

以其寶石于宮。械其黨至京。誅之。恕在雲南。凡閱月。疏
二十上。直聲動天下。○改巡撫甘肅。右副都御史朱英
總督兩廣軍務。兼理巡撫。先是韓雍經畧斷藤峽等地。
方用度浩繁。府庫耗竭。英繼其後。樽節數年。府庫頗充。
有言以羨餘進者。英曰。王者藏富于郡縣。兩廣用兵不
常。苟進以希寵。則他日餽餉。奚從取給乎。每有建白。皆
以愛民爲主。朝廷多採納之。

英。湖廣桂陽人。官雖尊。自處如寒士。在督府。不以家
累自隨。其舍人自桂陽來者。老蒼頭一人而已。大抵
英爲人。端方儉約。清靜簡易。一時名卿自以爲不及。

七月。京師黑青見。時方邪。鄉民家男子。夜多露宿。忽有

此城亦
日此城亦
餘息

皇明法傳錄卷二十三
三七

一物負黑氣一片而來其疾如風或自戶牖入雖密室亦無不至至則人皆昏迷或手足或身面被傷出黃水數日遍城驚擾暮夜多持刀張燈自防見有黑氣來輒鳴金擊鼓以逐之有見者云黑而小金睛修尾狀類犬狸一日蚤上御奉天門視朝侍衛忽驚擾兩班亦喧亂上欲起太監懷恩按之頃之乃定

黑青之見未幾遂立而厥命汪直使偵外事文武大臣多被慘辱或往南京或往北京倏忽不測人以爲黑青之應也又通志云江直大略坎虛種也征字從大古所謂無袍氏之德黑青之應微而彰矣兵部侍郎馬文升整飭遼東邊備請設浮橋從之按遼東地方三面受敵故兵分三路以備外侮廣爲中路開原遼陽爲中路爲中路

有警急彼此應援切見遼東之西一百六十里廣寧
迄東二百里有遼河一道分界遼之東西米結則人
馬可行易干應援或遇米關賊先據之我兵雖有渡
船不能猝濟彼此勢孤誤事非小正統二十四年虜
犯廣寧追兵據此已有明驗今請造大船十數橫列
河屯下聯鐵索上加木板以爲浮橋兩岸堅大木爲
柱總繫其纜遣兵護守以便往來設武
有警則東西聲勢相連不致誤事從之

妖人李子龍伏誅

按子龍本山西僧人候得權年三十餘踈疎絕異人
物俊秀無雙頗小宦豎嘗旅遊映西押遇一道士安
傳談語遂蓄髮改名所至誰惑道里入京黃綠潛住
內侍韋舍外它舍導轅之妻以義子之女處以正寢
時混雜宦侍入內或登萬歲內殿中憩息御牀上而
莫之禁久而執蓋司扇諸臣侍不得志者皆拜禮爲
佛有非之者強刺事旗校知之竊三人于其中亦以
役禮爲名漸固約束以八月某日往真定府舉事帥
白于太監黃鵬奏請搜捕果獲其所造
黃絹袍袖笏冠等器台及子龍皆伏誅

通鑑

倭與多詐
由地時有
乃稱小物
無害天利
規事大利
決不寬貸
之通好

丁酉成化十三年 正月置西廠命太監汪直提督官
校刺事自李子龍誅後 上銳意欲知外事以直年少
便黠乃命選錦衣官校百餘人另置廠于靈濟宮前號
西廠以別東廠也縱之出入分命各校廣刺大政小事
方言俚諺悉採以聞○續編宋元通鑑綱目成○日本
人貢○日本在東海中古稱倭奴漢魏以來已通中國
其地度與會稽臨海相望在倭國時許其互市
乃至四明沿海而來與中國人貿易即不滿所欲則
滿行城郭抄掠臣民往往為邊海州郡之害我
宗灼見其情故痛絕之著于 皇明祖訓山東淮汴
閩廣沿海去處多設衛所以為備禦後後委都指揮
一員統其屬衛近年又復增設海道
道副使一員專督防策極固齊云
二月汪直捕中書舍人黃瑄兵部主事楊生傳下西廠

花之不得
其人生出
多少事

獄籍沒福建都指揮楊畢家先是畢以毆死人命蒙差
刑部錦衣衛官勘提畢逃匿京師其姊夫中書董興家
與托錦衣百戶韋瑛管解適瑛正欲從汪直刺事而無
由卽潛報于直謂畢東陽少師之曾孫家貲鉅萬造惡
百端嘗納生人于棺焚之今事露乃挾黃白數千兩來
京賄求內外將欲招納亡命下海謀不軌直大喜卽發
官校掩捕畢等鞫之搜得一單擬送各當道賄物商賈
老及三法司堂上與司禮黃陳二太監皆與焉明日直
入奏出追所挾黃白畢與備嘗刑具如琵琶者錦衣極
酷之刑每上琵琶偏身骨節俱離寸許汗下如雨幾死後

不兼題請
以校辛而
放于梓
官當川成
勢可想

皇明法傳錄卷二十三

二十九

放如是者三。妄供寄在其叔仕偉所。直卽令數校徑往
兵部。梓縛以來拷掠如畢。仍令數校黎明突入仕偉居
宅。縛其妻妾婢僕至。厥訊責。仍命押回。追搜囊篋。領
擄笞敲。積晝夜百楚。責追不已。哀號徹天。過者流涕。數
日畢。竟歿厥獄。後遣瑛馳至閩。籍沒畢家貲財人口。赴
京。往還所過。賜張虎噬。有司畏其威。賄賂徧籍。畢父泰
亦坐歿于獄。○三月罷西廠。命太監汪直回理監事。時
直橫恣大肆羅織。屢起大獄。內外悉恐。商賈踴直十罪。
爲近日伺察大繁。政令太急。刑網太密。蓋緣委聽斷于
汪直一人。而直又皆耳目于羣小。提拿職官。事出于風。

聞暮夜搜檢家財。不見有無。駕帖人心。洵洵各懷疑畏。
劉珏亦言立厥之後。事情紛擾。干國家安危。關係非
小。上覽疏。恚曰。用一內臣。焉得係國家安危。命懷
恩傳旨。詰責輅等。復陳其故。會兵部尚書。偕九卿。亦
疏直及韋瑛過惡。上怒。卽革去西厥瑛。謫戍宣府。後
瑛復坐誣緝妖言。事發。斬于都市。人莫不快之。○出司
禮太監黃賜。陳祖生于南京。汪直初坐厥。士大夫無與
往還。惟都御史王越日往候之。茲久相得。一日項忠遇
直于途。旣過。始覺。追謝。直不爲禮。越素重汪。代忠復毀
短之。直以是憾忠。援拾其過。不意忠覺。先疏攻之。直泣

萬世通鑑
時有王師
史亦直
行可法今
他快者得
院湖廣副
使

民山書作

訴上前言此非外臣意乃黃賜陳祖生二人所嗾使
遂調南京○四月後命汪直坐西廡仍舊刺事時御史
戴縉以九年滿不得陞陳言直所行皆公不宜革罷直
遂奉命仍舊坐廡稽亦驟用歷陞都御史○下兵部尚
書項忠獄除名爲民汪直既復坐廡首發忠過欲置之
死忠廷辯慷慨詞頗剛直竟除名○五月刑部尚書董
方左都御史李賓戶部尚書薛遠侍郎程萬里兵部侍
郎滕昭俱被劾罷項忠既去汪直權勢愈熾一時諸大
臣皆因王越附直深自結納異已者許各自陳而董方
等皆因此去位○民山書作亂召巡撫陝西余子俊督

制宣特始
上風調
皆慕之
可惡可嘆

皆起于一
念愚夫之

兵破之克其四族斬首四百級捷聞上喜賜勅獎勵
召拜兵部尚書加太子少保○召南京右都御史林聰
為刑部尚書○禮部尚書張文質以憂去擢禮部侍郎
周洪謨為禮部尚書大學士商輅乞致仕許之詔加少
保○加王越太子太保進兵部尚書兼左都御史仍掌
院事時越特為注直所厚吏部尚書尹旻偕諸卿貳欲
詰直屬越為介私問越踞否越曰安有六卿踞人者乎
越先入旻陰伺之越跪直叩頭出及旻等入見直旻先
跪諸人皆跪直大悅既出越尤旻曰吾自見人跪來特
敬之耳○巡撫遼東右副都御史彭韶致仕歸以山東

左布政使司陳銳代之

誼在遼東十年嚴武備實倉庫鎮靜有威自小黑山之機虜寇遠逝不敢犯邊東方無事時總監橫徵諸屬衙誼乃令所屬衙凡有移文未經本院謀處者皆令覆請違者以軍法從事虐焰頓息邊人德之

冬汪直詣南京逮守備太監覃得朋至師下獄充淨軍時直發得朋嘗乘駕快船夾販私鹽毆殺巡檢事自往南京械繫之經過冰陸巡河御史主事等官皆跪迎稍不至輒見辱得朋至京下獄卒充淨軍

戊戌成化十四年○二月會試天下舉人命禮部尚書兼學士劉吉學士彭華為考試官取梁儲等三百五十人○三月廷試賜曾彥楊守祉曾追等進士及第出身

皇太子出
閣行冠禮

本朝內
閣第一

豫論太子
與其儲位
外朝不如
內侍
御得一人
如軍吉者
私治之府
至今作之

有差

彥江西泰和人年六十餘時能政欲為時
變求文以質以考所計簡約遂真旨選

皇太子山閣行冠禮詔簡儒臣克東宮官時東宮內官
典璽局郎單吉溫雅誠篤知大體通書史義論方正雅
儒生不能過輒舉東宮之功為多太學中肅諭語諸書
皆口授動作舉止悉導以正暇則開說五府六部及天
下民情農業軍務以至宦者專擅黨國情弊悉直告之
曰吾老矣安望富貴但得天下有賢王足矣上嘗賜
東宮五莊吉備曉以不當受曰天下山河皆王所有何
以莊為徒勞民傷財為左右之利而已竟辭之東宮嘗
隨老伴念高里經而吉適至東宮駭曰老伴來矣即以

親中廷不
當事而面
功中失

明江月
萬八有
股食壯似
光開

一水空開
有山既飲
水浮雲宿
貴之意

孝經自稱吉覽曰主得無念經乎曰否請孝經耳其兄
畏如此 東宮出講必使左右迎請講官講畢則語講
官云先生吃茶局丞張端不以爲然吉日尊師重傅理
當如此○福建上杭盜起詔起終卷食都御史高明討
平之明爲御史有聲持正敢爲起征閩盜既平勅留巡
撫福建上章乞骸骨納符敕徑歸後數年卒○南京翰
林院脩撰致仕羅倫卒 倫慷慨樂善遇事無所避以
于富貴利達齋如也疾辭歸結茅于金牛山取給隨
出 不受餽遺客至留飯瓶粟盤矣親步合求之比舉
火日已近午曠然不以爲意日與學者講學家始垂
十年而終年四十八學者稱一孝先生正德中追謚
文毅章顯山曰羅一孝和酒大感動得
人可正君後俗又曰一孝則衆不可及

復命兵部侍郎馬文升整飭遼東邊務先是建州女直
復叛巡撫遼東都御史陳鉞欲誘殺進貢夷屬以掩已
過由是夷益懼爲亂其酋刺達等屢寇邊兵連禍結遂
命文升巡邊○七月浙江按察司使楊瑄卒

瑄豐城人爲御史劾節敢言劾奏石亨曹吉祥英
宗怒下獄戒死謫戍二兒敗復職上踐祚改按察
使振憲度奉公益勤年五十四卒于官人咸惜之

九月以嘉興府知府楊繼宗爲浙江按察使

繼宗廉明嚴恕庭無留獄鎮守太監至馳其正道太
監不悅曰何無尊卑曰某官四品公六品某守臣公
無土地責正行何害明且卽往告曰此地民貧不能
供公之一日地方無事有則知府當之以不以累公鎮
守嘆服而去繼宗居憂汪直聞楊公治郡名往叩公
哀絀于墳所直趨至墳所拜起手將公鬚曰此爾楊

繼宗名今貌乃爾公曰繼宗貌醜但虧體尊親未之敢也直嘿而退

十月追降韓府漢陰王徵銀為庶人王母平氏妃周氏及月封郡王縣王者皆賜死妃父周恂凌遲及其妻妾子皆斬之籍其家

先是王有疾恂入問竊語王曰王病甚無後何不取家人子以奉王

後王以為然令二宮人假若有娠者詣王來問疾俱以託之王與恂與土母及妃謀取其妻之女及他人男前後抱納官中既長俱受封既而覺之始家以私忿發其事下撫按諸司官廉得其實刑部尚書林聰等具獄覆奏上曰周恂陰謀主使未聞宗支凌遲處死妻妾子俱斬月封男女及平氏周氏俱賜自盡徵銀追降為庶人仍錄

獄詞以著各王府知之

己亥成化十五年六月逮整飭遼東邊務兵部左侍郎馬文升下獄謫戍四川重慶衛時巡撫陳鉉行事乖方

每被文升節制更改。會汪直亦來巡邊。鉞懼見罪。乃戎服遠迎。除道飾館。供帳鮮備。厚賄參隨。見直叩頭趨媚。無所不至。惟文升與直抗禮。奴視其左右。鉞復乘間毀短文升。直還。奏文升妄起邊釁。謂女直建州諸虜。以文升禁不與農器交易。故屢寇邊。朝廷遣定西侯蔣琬。刑部尚書林聰。同直往勘。直稍加禮于二人。二人亦憚直。不敢爲異。勘報一如直言。文升遂下獄。謫戍。然文升所禁者。實錢器。非農器也。士論惜之。○九月。罷戶部尚書楊鼎。及工部尚書王復。南京兵部尚書薛遠等。時六科十三道都給事中張海等。劾奏楊鼎。王復。薛遠。及南京

吏部侍郎錢溥謂四方水旱皆四人妨政失職所致宜
加罷黜不允。以乞致仕從之。時溥以進表至京吏部尚
書尹旻等詢江南時事。溥答以南直隸大熱請以歸。諸
公北直隸大水皆溥與薛某當之。旻笑曰。諺云女嬌牙
疼却灸丈夫腳。跟衆爲之哄然。傳聞禁中以資笑。溥因
不得已亦乞致仕。先是薛遠已。被劾。退是春以有援復
起。參贊南京守備機務。至是聞劾亦馳疏乞罷。有
旨乞留。既而當道者又欲求缺。處知已乃謀于汪直。復
疏科道重劾。王復薛遠與禮部尚書鄒幹當罷。直從中
主之。傳旨並賜歸。○冬汪直等襲建州衛女直破之。

先是陳鉞既請出馬文升復說汪直立功固寵已亦得倖進于是虛張邊警言賊酋伏當加者欲糾三衛人馬入寇請出師討之有旨下兵部議兵部尚書余子俊以爲禦戎宜先守備建州邊衛祖宗時羈縻而已不深治也今其酋伏當加征罪狀未著遽征之非祖宗初意必不得已遣重臣往節制之相機戢守可也汪直不聽遂言于上命撫寧侯朱永總兵陳鉞提督軍務直爲監督便宜生殺陞賞時建州頭目六十餘人來貢過直于廣寧直誣以窺伺掩殺之兵至建州虜不意大軍猝至壯者逃匿惟餘老弱或殺或虜焚其廬舍而還遼

東倉庫數十年存積錢糧直等任意耗費侵盜一空

皇明通紀法傳全錄二十三卷終